


經國雄畧




		九	漢
	七	五	書
一	一	八	門
二	二		
冊	架	函	號

天經攷 二三

		內
	九	漢
二	五	書
九	八	
冊	架	函

內閣文庫		
番號	漢	9558
冊數	20 (2)	
函號	299	252



天經攷經國雄略卷之二

淺草文庫

溫陵

鄭大郁孟周

編訂

晉江

蔡鼎無能

參閱

拓浦

徐廣廣居

潭陽

王介蕃康扶

較定

天經攷

星變



天柱平則政教得。翊星明則禮樂興。亢星明則大臣納忠。氐星明則大臣奉度。與夫昂明

天經攷

二卷

星變

觀社



則獄平。桺明則國安。無爲之德。蘊于淵衷。則
北辰之居所可侔矣。相說之情。律呂交和。則
三台之齊色可觀矣。璇璣昭鑒。玉衡效應。觀
諸北斗而可徵。鶴書招訪。鴛侶翱翔。視夫少
微而可見。皇猷玉潤。則東壁聯輝矣。帝典金
清。則左角芴應矣。變而後占。不變則不占。明
主當謹變于占前
耳。因攷星變云

五星之變。有合。有散。有犯。有守。有陵。有歷。有闕。有羸。
有縮。有食。同舍曰合。變爲妖星曰散。寸以內。光芒相
及曰犯。韋昭謂自下而往。觸之爲犯也。居其宿曰守。
相冒而過曰陵。韋昭謂突掩爲陵也。經之曰歷。相擊

曰闕。又曰離復合。合復離。爲闕。早出曰羸。晚出曰縮。
又失次。上二三宿曰羸。失次下二三宿曰縮。星月相
陵曰食。吉凶各以類應。不可誣也。然有或不盡如所
占。何也。曰日月五行。俱行黃道。不能無侵犯也。惟迫
近則殃大。遠則無傷。寸以內。芒角相及。則其占始應。
漢志曰。近者殃大。遠者殃無傷。後之星史不此之察。
猥見其差近。遂譸張以爲變。此所以繁褻不驗。
五星所聚。宿其國。王天下。從歲以義。從熒惑以禮。從

宋史

填以重。從太白以兵。從辰以法。以法者。以法致天下也。三星若合。是謂驚立絕行。其國外內有兵與喪。民人乏饑。改立王公。四星若合。是謂大湯。其國兵喪並起。君子憂。小人流。五星若合。是謂易行。有德受慶。改立王者。奄有四方。子孫蕃昌。亡德受罰。離其國家。滅其宗廟。百姓離去。被滿四方。五星皆大。其事亦大。皆小。其事亦小。

太史公曰。五星失軌道則占。蓋謹變也。緯曰歲。曰熒惑。曰太白。曰辰。曰填。其在朝出為羸。也為客。夕

出為縮。縮為主。辰星不出。太白為客。其出太白為主。故法於主客乎占焉。五緯之行。或入黃道裏。或出黃道表。出入無當。非可數致。故法於表裏乎占焉。其東行曰順。西行曰逆。順則疾。逆則遲。不順不遲。曰留。與日相近而不見曰伏。伏與日同度曰合。故法于留行遲疾之類占焉。夫歲也。熒惑也。填也。其行遲。夜半經天。其初與日合度。而後順行。漸遲。追日不及。則晨見東方。行近中則留。留經旦。過中則逆。逆則又順。先遲漸速。以至於夕。伏西方。乃更與日合焉。太白也。辰也。行速而不經天。其初與日合之。後疾行而先日。夕見西方。行近南則漸遲。遲極則留。留近日則逆。逆則又遲。去日少遠。則疾行以追日。晨伏東方。乃更與日合焉。此五緯之大經也。其在法也。填歲緩則不行。急則過分。逆則占。熒惑緩則不入。急則不出。違道則占。辰太白緩則不出。急則不入。非時逆則占。是皆變而後占。故曰謹

變也

歲星之精爲天棊爲天槍爲天猾爲天衝爲國皇。熒惑之精爲昭旦爲蚩尤旗爲昭明爲司危爲天燒。填星之精爲五殘爲大賁爲昭星爲紕流。太白之精爲天杵爲天柎爲伏靈。辰星之精爲枉矢爲拂樞爲繞。彗其出也。或候以日辰。或占以方位。或測以色象。皆星變之可警者也。

三垣曰天市。明堂位也。曰太微。朝廷位也。曰紫微。宮寢位也。明堂位者。天子巡狩之居也。朝廷位者。聽政之居也。宮寢位者。燕息之居也。天市歲臨之。太微日臨之。紫微朝夕在焉。所謂北極天樞。居其所而衆星共之者也。七曜必遵黃道。歷天街。歲一受事。太微而出。猶大臣受天子之命於朝。以行其職也。

愚按二十八宿分列四方。各守其野。率諸經星以共紫微之帝。猶郡國有司各治其職。安其民人。以承天子也。二十八宿者。蒼龍。白虎。玄武。朱雀。各七宿也。角。鳥獸。生角。草木。甲折。主化生萬物者也。亢。日。疏廟。主章奏。明目達聰者也。氏爲天根。天行始于東。故此爲根。太子爲天下根本。是以取象焉。騎

官主國有大事。太子合國子而用之者也。陣車、兵車也。車騎、乘車之馬也。騎陣將所以率國子者也。古之命將者，賜弓矢斧鉞，得以專征。然則大將總兵於外，毋乃非國家之利乎？周禮國有大事，則國子皆屬于太子，惟所用之，故大將統兵權于外，以正軍法。太子握兵柄于內，以遏亂原。房，天子之後，寢鍵閉，鉤鈴兩咸，以防淫而謹內也。心，天子象，蓋人者天地之心，而天子者人之主也。尾主后妃敘御于王所，箕成帚，又揚穀之器，此星播揚，故主八風。傳所謂箕星好風，是也。尾而受之以箕，可以知婦無外事矣。五星聚箕尾，而有天寶之亂。亂自色荒也。斗，宗廟酌酒器也。爵人必于廟，故主薦賢良而受爵祿。又有器量以斟酌之也。民事莫重于耕織，故牛女相聯。牛農丈人耕具，驪珠女所獻。工離瑜，女服飾也。天田九星，象井田。天狗、天雞，教樹畜也。羅堰九坎，天淵，言農桑者先水利也。北陰也。故

虛與危，主死喪危禍。室，十月農工已畢，此星昏而正中，故主營建宮室，定之方中，作于楚宮是矣。壁，圖書之秘府，奎，天子之武庫，婁，主蕃牧犧牲，以共祭祀。自室至婁，天子之宮室苑囿在焉。胃，儲藏五穀之府，昴，主刑獄，又各旄頭，蠻夷猾夏，寇賊姦宄，小則加以刑，大則加以兵，故列象西方。昴畢之間，有天街，分華夷也。參中三星為中軍，正中一星大將，旁二星參謀也。二肩為左右將軍，二足為前後將軍，觜，行軍之藏府，井，主水衡，法令中平之事，物之平者，莫如水也。鬼，主鬼神祀事，井宿列於西南，致養之義，養莫大于祭祀，追養繼孝之事也。柳，主草木，又為天厨，主燕饗事。星為文明之會，主衣裳文繡。張，主珍寶，宗廟服用，翼，天子之樂府也。軫，主車騎，任載，翼珍，器府，土司空，係焉。百工之事，當及溫和之候，故月令季春而百工咸理，孟冬而效工，翼軫所以麗于辰巳歟。林采公曰：天文三垣二十

八宿并附近星官總計二百八十三座一千五百六十五星。微星萬一千五百二十。

言天文者以斗建以昏中皆定成時如此則六經之書凡言見者見于辰也。凡言正者正于午也。凡言中者中于未也。凡言流者流于申也。凡言伏者伏于戌也。中星之說雖經傳無明文要之其說有二。有正于午者謂之中方位也。有中于未者謂之中星宿之見伏也。堯典曰仲迭建之星則以午為中。月令昏旦之星則以未為中。以午為中者謂人君南面而聽天下。

考中星以正四時故以午為中。若夫論星辰之出沒則又不然。天傾西北地不滿東南。天勢東南高而西北下。凡星辰之運始則見于辰。終則伏于戌。自辰至戌正于午。中于未焉。故以未為中。且以火星論之。惟其以午為正。故堯典言日永星火以正仲夏。惟其以未為中。故月令季夏昏火中。惟其至申為流。故詩曰七月流火。惟其以辰為見。以戌為伏。故傳曰火見于辰。火伏而蟄者畢。不特火星為然。諸星亦然。如詩曰

天經攷 二卷
定之方中。亦以十月取中于未也。大抵巳午未皆南方。則以未爲中。辰巳午未申酉戌爲火。見伏之始終。則以未爲中。兩言盡之矣。堯典則舉四時之正而言。月令則舉十二時之中而言之。此其所以不同也。中

星論

夏四月。上以熒惑西逆尾心。行修省事。廷尉王公命璿問鼎曰。熒惑何徵。答曰。禮虧視失。逆夏令。傷火政。則災見熒逆。是將有火房。心。火廟也。逆行守心。

殆將自火其廟矣。四月初五。戊戌。新厥火。死者七百餘人。廷尉曰。災如是邪。答曰。未也。火始見。而熒逆發。軼于尾。已有譎。則大火方作。廷尉曰。期可知邪。答曰。熒入心。而火盛作。退而復其故。而火稍殺。是有三火。廷尉曰。修弭奈何。答曰。心。天王位也。其告在君。抑又在心。天若將曰。吾君而或者不戒其心。喜怒哀愛憎弗循于禮者。道猶是。故人君愛人。必求諸禮。怒人。必求諸禮。賞人。必求諸禮。罰人。必求諸禮。以故

天經攷 二卷 十一 卷一
火無逆節鬱攸不作今三公長繫獄犯至千百餘人
薰腐操國重柄屈士紳而事之衰經之夫吉服臨
朝人火逆于中天火逆于上地火逆于下其必至也
君能修此則災可弭不然吾見其日盛而未已也六
月初一癸巳安民厰災死者萬餘人武庫一空時熒
方入心六度也八月丁酉小局復災火殺於癸巳時
熒始復故道也天道可畏若此
萬遠堂時務
戊寅四月巳酉太陰逆火於尾十二度食之大司馬

楊公嗣昌上疏言變謂是日當 成妃發引四鼓時
見太陰近熒惑七八寸心已駭之迨晨太陰竟食熒
惑以去謂異嘗大變援成化十一年二月太陰食火
于牛之例且謂變實過之鼎曰是不然尾 宮闈之
地也熒惑猖狂於尾此必有讒邪惑亂于內太陰刑
也讒其見罰乎熒亦罰也罰以濟罰一逆而一順乎
然月食熒則熒亦入月矣時熒正西行也有亂傷大
臣其在江淮熒泊天江也抑又在燕地尾燕也二火

方旦而月蝕之其患在胡抑胡亦患六月壬寅日始
入而加食隸實爲祟楊公其如熒何思之思之

萬遠
堂藁

瑞星

景星傳曰景星者德星也符瑞圖曰景星者大星也
狀如半月生於晦朔助月爲明巫咸曰景星見其國
昌文士出

周伯星晉書曰周伯星黃色煌然所見之國大昌

合譽星孝經援神契曰合譽光曜似彗其國喜則合
譽射之蠻夷奉貢則合譽射之

天保星晉書曰天保星者流星之類有音如炬火下
野雉鳴天保也所墜之國有喜隋開皇元年十一月
己巳有流星如炬火燭地占曰流星有聲者名曰天
保所墜之處其國有喜後九年陳平天下一統

妖星

天棊星傳曰天棊一名覺星本類彗星末銳長四丈
或出東北方主奮爭運斗樞曰彗星出東方名天棊

耳德曰天棊出其國凶不可舉事用兵必有破軍拔城天官書曰歲星失次進而東北三月主天棊長四丈餘主鉄鉞動

蚩尤旗星傳曰蚩尤旗類彗而後曲象旗或曰赤雲獨見或曰其色上黃下白所見之方下有兵大起天官

書曰蚩尤旗見則王者討罰四方孟康曰蚩尤旗者熒惑之積也唐中宗景龍二年七月有赤氣亘天其光燭地經三日不見占曰蚩尤旗也主暴兵十一月庚辛而突厥首領婆葛犯塞

國皇星傳曰國皇大而赤類南極老人星或曰去地三丈如炬

火主內寇內難或曰其下兵起兵強或曰內外有兵春秋考異郵曰國皇見東南兵起

炤明星天官書曰炤明星大而白無角乍上乍下所

出國起兵大變孟康曰炤明星形如三尺機機上有九彗上向熒惑之積也

司危星天官書曰司危如太白有角或曰出西方之野星去地可六

丈大而白司危出其下主兵衡不利孟康曰星大而毛兩角熒惑之積也

天讒星巫咸曰彗出西北如劍長可四五丈名天讒

運斗樞曰彗出西如劍長可四丈名曰天讒見則兵起

五殘星巫咸曰五殘星出東方星狀類辰星可去地

六七丈春秋合城圖曰蒼彗散為五殘如辰星出角五殘者五分也為毀敗之兆荆州占曰大而

赤類動察之而青。
為五殘見則兵起。

六賊星。巫咸曰。六賊星出正南方。其星去地六丈。大

而赤。動有光。

天官書曰。六賊星所出非其方。皆為其下主兵。衡不利。

天鋒星

宋均曰。天鋒。彗象。而形似矛鋒。若見則天下兵起。

長庚星

天官書曰。長庚如一疋布。著天見兵起。

柱矢星。晉書曰。柱矢類流星。色蒼黑。蛇行。望之如翳。

毛角。長數丈。見則謀反之兵合射。所誅亦為以亂伐。

亂。

晉書曰。柱矢黑。軍士不勇。漢書曰。秦兵亡。項羽救鉅鹿。柱矢西流。矢所觸。天下之所伐射。滅亡象也。

物莫直於矢。令蛇行不能直。枉而不正。以象項羽執正亂也。

天狗星。巫咸曰。天狗狀如犬奔。星色黃。有聲。其墜地

類狗。所墜望之如火。光焰衝天。其上銳。其下圓。如數

頃田。

孟康曰。星有毛。旁有短莖。下有狗形。郊萌曰。星出。其狀色赤白。有光。下即為天狗。荊州占曰。流

星有光。見人面。墜無音。若有足。名天狗。其色白。其中黃。如逸犬狀。主候兵討賊。破軍殺將。

營頭星

司馬彪曰。營頭星者。有雲如壞山墜。所謂營頭之星。所墮其下。覆軍流血千里。又曰。流星

晝隕為

營頭

客星。天文總論曰。客星者。非其當有。偶見於天。此天

皇大帝之使以告休咎也。

一曰客星見無常所或出西或守東日多者事大而

禍淡日少者事微而禍淺或見而變色芒角必有謀殺之兆其色微小即有陰謀兵亂之事各有星色占之色白者其分野兵起有芒角者其下破軍殺將侵奪城邑魏文帝黃初三年九月甲辰客星見太微左門內占曰客星出太微國有兵十月月帝南討孫權是後累有兵殺

流星天之使也自上而降曰流自下而升曰飛大者

曰奔奔亦流星也星大者使大星小者使小星聲隆

隆者怒之象也行疾者期速行遲者期緩大而無光

者衆人之事小而有光者貴人之事大而有光者其

人貴且衆也乍明且滅者成敗也前大後小者恐憂

也前小後大者喜事也蛇行者姦也往疾者往而不

返也長者其事長久也短者事疾也

流星所墜其下有兵無風雲有

流星見良从間乃入為大風發屋折木小流星數百四面行者衆庶移流之象流星如甕大者為有發謀起事凡圍城而有流星來往過城或墜城內營壘之中者軍旅敗散之象流星從彼敵出來吾軍丘必當有間諜來說吾士卒夜半或寅時使至流星有流不止者不出百八十日動衆散敗若墜吾軍營中大凶可以速退軍避之一云易將而禳之

流星色青赤名曰地雁其所墜者起兵

流星有光青赤長二三丈

名曰天雁陣中之精華也其國起兵將軍當從星之所向吉流星有芒或有聲天文論曰此為怒氣各以分野占之色青為憂為饑赤為兵為旱黃為喜為上功之事白為兵為刑罰黑為疾疫為水災先看休主而占之各以日辰宿分所屬之國分野論之流星有光尾狀如疋布蒼白色為使色赤論兵色黑論成喪流星甚大其光焰地色青赤流四旁者五穀不登

流星犯日映日而赤色向日而流者天下不安

唐太宗大

曆二年九月乙丑晝有流星從午沒丑潯桂州山僚陷州城逐刺史眾流星者陰陽之精五行之氣形體在下精耀在上眾星流者萬人不安全之象凡眾星並流將軍舉兵隨流星所向擊之勝後魏文帝和平元年三月有流星數千萬西行三年六月詔將軍陸真討雍州叛民破之

流星犯歲星天文總論曰其地辱主

流星犯熒惑天文總論曰流星衝熒惑其下君有福

慶若光映熒惑者鄰國有姦謀之意宜謹防之

流星犯填星天文總論曰外邦有姦人入國

流星來衝填星

其填星光潤其分野有福流星犯填星而色赤其分野有兵色黑其分野有水

流星犯太白天文總論曰流星來犯太白其分野軍

弱無兵起兵

流星來衝太白太白無光其軍師有憂流星潤澤前後有光而銳來穿太白其

下君有德令盛行外若有軍即還

飛星天文總論曰飛星類流星自下而上曰飛星晉書

日飛星大如缶或有星如甕復皎然白前卑後高此謂頻頑其所從者多死也

奔星天文總論曰有大流星曰奔其星所墜其下有

大兵光跡相連曰流絕跡而走曰奔

隕星天文總論曰隕星如雨有兵亂起

彗星傳曰彗星所以除穢布新也晉書曰彗星所謂掃星本星類末類

彗小者類數寸長或亘天見則兵起火水掃除也除舊布新有五色各依五行本精所生按彗無光假日而為光夕見則東指晨見則西指在日南北皆隨日光而指頓挫其芒或長或短光芒所及為災天文總

論曰兩軍相對有彗星見隨彗所指擊之者勝彗星有行有止若行者事小止者事大各以其所見分野

占之荆州占曰諸彗出長三丈以上期一年四丈以上期三年十丈以上期五年所彗星所干曆百日以上期三年百五十日以上期五年二百日以上期七年彗星見則敵國兵起得木者勝彗星昏見其國受兵彗星見久其災深見短其災淺彗星見有叛者兵起其國一日不出一歲天下大水其邦尤甚運斗樞

曰彗星見後曲象旗則王者討伐四方

孛星傳曰孛星者惡氣所生為兵亂以分野言之主

兵災

諸星占

凡諸星不言兵者不具之。皆以星名所主占之。雲氣彗孛客星流星有干犯諸星以其五色星名分野言其禍福。故附于篇。

大角一星在攝提間赤為兵。

梗河三星在帝座北天矛也主矛鋒以備不虞。一曰

天鋒主胡兵。

招搖一星在梗河北主胡兵。占其星芒角變動則主

兵革。五星入壘壁陣大起兵

羽林四十五星三三而聚散在壘壁之南主天軍營

陣翊衛之象。月犯羽林兵戈起五星入羽林關梁不通兵起

天將軍十一星在婁宿北中央天星天之天將也。外

星吏士也。動搖主兵起旗揚者隨所擊勝

左右更五星在婁宿西秦爵名也主牧師之宮牧養

牛馬之屬。金火犯守左右更山澤有兵起

天街二星在昴畢間為陰陽之所分。月犯天街兵塞道路金火犯守

起兵

參旗九星在參宿西天弓也。弓弩之候如弓張則兵

兵旗星偃曲也

五星犯參旗主兵起弓弩用

狼一星在參南東為野將主侵掠

弧矢九星在狼星東南天弓也主行陰謀以備盜賊

當屬矢而向狼

彗星犯月海中占日彗星入月中主兵大起期十二

年大饑

若彗星入月無光不出期年有亡國荆州占日彗星貫月有臣謀主彗星在月上有大兵

起將死四夷來侵

流星犯月河圖帝覽嬉日流星入月中無光有兵有

光亡國

荆州占日月暈有流星出暈中青色主憂主城拔黃色主益地白色主豐熟黑色主軍敗

天門二星左右角南不見則大兵至

日暈天門關梁不通兵起

庫樓十星在角宿南為天庫之府其六大星庫也南

四星樓也旁十五星三三而聚者柱也

中央四小星衝星明大甚

角雲氣流星客星干犯則兵起

折威七星在亢南主斷軍獄

月犯折威邊將有棄叛陣車三星在氏南天之

革車也金火犯守兵革滿野

官二十七星在氏宿南天子宿衛騎士之象

五星守犯兵起

騎陣將軍一星騎將也

車騎三星在騎官南總車騎之將主部陣行列

四咸四星在房宿北東咸四星在心宿北月日五星

之道也

月犯東西咸有陰謀事
五星犯之則有兵起

積卒十二星在房宿西南五營軍士之象

五星入守
天下兵起

月犯天江有兵
強河津不通

天雞二星在狗國北

金火入守
兵大起

狗國四星在建星東主三韓鮮卑烏桓獫狁之屬

五星

守犯狗國外夷有
憂火守東夷兵起

左右旗九星在牽牛北天之鼓旗為旌表主設險備

知敵謀

天壘地十三星形如貫索在哭泣南主鬼方北夷于

零匈奴類所以候興敗存亡

斧鉞三星在八魁西北主行誅拒難斬伐姦謀星欲

不明若明動皆為斧鉞用

北落師門一星在羽林星西南主北方蕃落亦主候

兵壘

壁陣十二星在室宿南是羽林之垣壘主天軍營陣

月犯列星河圖帝覽嬉曰列星貫月陰國可伐

荆州占日

月犯列星其下有兵月蝕列星不見者國亡京房妖異占日月中有星天下盜賊星多者盜賊多荆州占日列星居月中不見其國饑其國以二十八宿所屬十二分野而言之

日辰占

日月五星二十八宿凡諸災變藉日辰以辨之有歲有月有日有時所主吉凶在焉甲為齊乙為東夷丙

為楚丁為江淮蠻夷戊為中國己為韓魏庚為秦辛為華山以西西夷之地壬為燕趙癸為當山北北夷燕趙之國子為周丑為翟亦主遼東寅為趙楚卯為鄭辰為晉巳為衛午為秦未為中山梁宋申為齊晉魏酉為魯戌為趙亥為燕代歲月日辰時及見災臨所在之地皆同用也假令丙辰年七月丁卯日午時災見於未地太歲在丙為楚辰為晉七月申又為鄭又午時為秦災見未地復為中山梁宋卽是其地各

有災也他

星變未議

鄭大郁

粵稽乾坤嬗化不過陰陽二氣其麗陽者曰
中國曰君子麗陰者曰夷狄曰小人此人人能言
之也然陽嘗主動動則在

中國為赫怒之安在君子為得才之駕陰嘗主靜
靜則在夷狄為泮林之音在小人為穴中之鼠
動者不可使靜靜者不可使動今夫火於易為
離離陰卦也二陽剛制於外一陰柔伏其中原

至靜而不宜動者茲且一歲三動矣靜制之方
尙可不急講乎年來災黎堪憫則中原爲甚自
秦晉發難蔓延豫楚其焦頭爛額室家化僞之
象當不止

輦轂之下以數萬計也假令一經

睿炤不知

宸衷又當何如軫憫廼至剿限久違蕩撫無日零捷
掩過捏報飾功一時督撫諸臣安問實心殫力

者出斯民於水火之中爲我

皇上下沛好生

洪慈使同茲元元兆庶共沐

恩膏也哉恭惟

太祖高皇帝敬天而存省有錄

章皇帝敬天而皇極有解

列聖代光百稽一轍我

烈皇帝冲齡踐祚間夜求衣晷日忘食厲精求治寧

不爲奕世之黔黎動色。然而星告天震，亘地猶然不釋然於

聖世者何哉。此固天心之仁愛，董我無斁，則亦安得不深惟其所以致此者乎。竊嘗思之，君者辰也，紫微者寢也，太微朝也，天市則明堂之左个而右个也，井鬼斗虛二十八辰者，皆司君之威福，鈇鉞與夫權衡之佐使者也。不觀斗一南而萬物生，則無不添線吹灰，噓陽谷於當日，日一

南而萬物歿，重茵密室亦有凍瘡而起粟者矣。故瓶冰凝而知冬，寸草綠而知春，造化自然之理也。陸賈新語曰：惡政生于惡氣，惡氣生于災異，治道失于下，則天文變于上，惡政流于民，則蝗蜮生于地，蜺災星變，因政而見，蓋自古而然之矣。曷謂而言然也。漢元光中，天星盡搖，上以問候星者，曰：庶民爲星，星搖者民勞之應。唐天后朝，來俊臣爲苛酷，其家井水忽出如血，井中

天經列 二卷 三十一 勸禱
夜有呼號聲。俊臣以木窒之。木忽自拔去。明皇時。五星聚於箕尾。而有天寶之亂。蓋箕尾爲女星。亂自色荒也。先是武德初。有星孛於胃昴間。丁亥。孛卷舌。卷舌譎也。卒至建成元吉。連後宮。搆秦王之應。嗟嗟。天災流行。良可畏哉。惟是人君愛人。必求諸禮。威怒賞罰。人必求諸禮。以故火無逆節。鬱攸不作。孔子于春秋記災異。以爲天道遠。非諄諄以諭人。使君子見其變。咸知天之所以譴告。恐懼修省而已。今

乾廟戊寅。四月熒惑西逆。尾心。解者多爲禮虧視失。逆夏令。傷火政。則災見熒逆。是將有火房。心火廟也。逆行守心。殆將自火其廟矣。是月戊戌。新厰災。死者七百餘人。夫火始見。而熒逆發。輒于尾。已有謫。則大火方作。熒入心。而火盛作。退而復其故。而火稍殺。是有三火也。是歲六月癸巳。安民厰又災。死者萬餘。武庫一空。時熒方入心。

六度也。八月丁酉，小局復災，火殺癸巳。時熒始復故道，嗟夫！戊寅一歲三火之天道，可畏若此。固知事作乎下者，象動乎上。天人之際，陰陽之理，所必然也。何至今日而虜寇交橫，中原板蕩，三綱淪九法斁，千秋冠履之分，幾幾廢沒殆盡。獨賴我

高皇帝肇造宏偉

新天子建極

南都薪膽勤政

國祚維新，輟揜周宣，重光之歌如日

睿逾光武，復旦之咏在

天灑血淚以升舟，九軍齊震懸

御容而面壁，庶國興哀

明王謹於尊

天臣庶欣承

教養動靜以道，風雨時節，政教不違，禮樂可興，訖

見

皇祚中興萬年金甌未艾彼一二災祲惟有化災為祥轉禍為福又何損我

國家之萬一哉抑愚又有說焉善論治者不計其災與不災但觀其備與不備焉故均一日食三朝之旦也元壽成斷袖之奸大元胎蒙蔽之禍而宋仁卒成慶曆之治均一星聚箕尾之次也周營雒邑之鼎齊賜無棣之屨而唐玄竟召漁

陽之兵是災果繇人而天寔無權也請以足星變未盡之旨

窮極天人譚之娓娓當是熟讀太乙統宗大六壬課者代產異能曷不使參幃幄而弼

中興也乎 魏告庵識

中興也乎

厥昔外董異消昌不卦參鞞對而臨

變未盡之旨

測之其是災果籍人而天寒無讞也藉以只星

天經攷經國雄略卷之三

溫陵 鄭大郁孟周 編訂

晉江 蔡 鼎無能 參閱

潭陽 王介蕃康扶 較正

分野

天經攷

愚按衆宿分野懸象在天其本在地星之與土以精氣相屬而不係乎方隅其占測以山河爲限而不主于州國此其所以獨異于諸家也大抵周官之所辨其州之地因其分以

見注

觀其國之妖祥如是而已夫天子所觀者九州也諸侯所觀者一國也諸侯觀一國之妖祥爲一國之備可也天子諉于一國之分星而不爲之救政序事乎爰稽分野云

周禮保章氏以星土辨九州之地所封之域各有分星左氏謂熒惑守心宋景禳其咎實沈爲祟晉侯受其殃妖祥驗于分星蓋古有之但星經散亾已久獨漢地志載分野爲始詳而鄭康成引十二次之分以相屬大率因之

羣書備考

九州十二域或繫之北斗或繫之二十八宿或繫之

五星雍主魁冀主樞青兗主機楊徐主權荆主衡梁主開陽豫主搖光此繫之北斗者也星紀吳越玄枵齊媯訾衛降婁魯大梁趙實沈晉鶉首秦鶉天周鶉尾楚壽星鄭大火宋析木燕此繫之二十八宿者也歲星主齊熒惑主楚越鎮星主王子太白至大臣辰星主燕趙代此繫之五星者也

晉書

主分野之是者則曰武王克商歲在鶉火伶州鳩曰歲之所在則我有周之分野是周屬鶉火也晉文郎

天經攷 三卷
位歲在實沈董固曰實沉之次晉人是居是晉屬實
沉也歲滯于元枵而禪竈知楚子之將死是楚屬鶉
尾也星見大辰而梓慎知宋之將火是木屬大火也
辨分野之非者則曰吳越南而星紀北齊東而玄枵
北衛東而姬訾北魯東而降婁西周宅中土而柳星
乃位于南以柳星爲周可乎秦在西北而井鬼乃在
乎西南以井鬼爲秦可乎
朱翼

人言天一度當地二千九百餘里且閩粵交廣通謂

之揚實當中國之半而分星止牛斗何其狹也以輿
地考之中國之在天地僅彈丸耳而二十八宿皆屬
中國分野止以昴星屬胡豈夷狄戎蠻之區不關天
象耶

古之星經散亾無考鄭康成以爲十二土分楚十二
邦係十二次各有所宜是十二國之分載諸傳記裁
祥所應亦有可証者鄭禪竈曰今茲歲在顛頊之墟
姜氏任氏實守其地此玄枵爲齊之分星而青州之

星土也

晉史墨曰。越得歲而吳伐之。必受其凶。釋者曰。歲在星紀。此星紀爲越之分星。而楊州之星土也。

鄭子產曰。成王滅唐而封大叔焉。故參爲晉星。實沈爲參神。此實沈爲晉之分星。而并州之星土也。

晉士弱曰。陶唐氏之火正。闕伯居商丘。相土因之。故商主大火。此大火爲宋之分星。而豫州之星土也。

魯梓慎曰。漢水祥也。衛顛頊之墟。故爲帝丘。其星爲大水。此娵訾爲衛之分星。而冀州之星土也。

鄭語周史曰。楚重黎之後也。黎爲高辛氏火正。此鶉尾爲楚之分星。而荊州之星土也。

爾雅曰。析木爲天津。釋者謂天漢之津。梁爲燕。此析木爲燕之分星。而幽州之星土也。

周之鶉火。秦之鶉首。趙之大梁。魯之降婁。無非以其州之星土。而爲其國之分星。則主分埜之說者是矣。然而辨分埜之非者。又曰。吳越南而星紀。北齊東而

玄枵北衛東而姬訾北魯東而降婁西魏與州之國也。晉則不屬于與而屬于益。魯兖州之國也。魯則不屬于兖而屬于徐。此非分埜之說為可疑者哉。故略分埜之說而不信。則周禮不應有星土之辨。拘分埜之說以為驗。則左氏未免有附會之誣。更以左氏考之。無水之哉。何闕于玄枵星紀。而梓慎以為宋鄭之饑。日食之變。何預于豕韋降婁。而士元伯以為魯衛之惡。星紀果同為吳分。則吳亦得歲。上墨何以謂之。

越得歲而吳伐之。必受其凶。參墟果為晉分。則實沈為星子產。何以謂之高辛之子。而能為晉侯之祟。此又左氏之說而不足信者也。

繇史冊觀之。四星聚牛女。而晉元王吳四星聚嘴參。而齊祖王魏彗星掃東井。而符堅亾秦。景星見箕尾。而慕容惠復燕。此又分野之驗而未可盡略者也。然則分野之說何所主乎。鄭氏言十二邦係十二次。隨其國之所封。屬其星之所在。故謂之所封封域皆有。



分星賈氏言受封之日歲星所在其國屬焉夫九州上應星土則百餘度皆有其驗豈特十二次而已乎封域皆有分星則千八百國皆有其屬豈特十二國而已乎自是而後或以十二州配之或以列郡配之或以山河兩戒配之或以七星主九州或以七星主七國或係之二十八宿或係之五星紛紛異論可否不一惟唐僧一行認山河脈絡于兩戒識雲漢升沈于四維參以古漢郡國其區處分野之所在此其最

善者乎

按天文分野角亢韓分一日鄭房心宋分尾箕燕分斗吳分牛女越分虛危齊分室壁衛分奎婁魯分胃昴畢趙分觜角參魏分井鬼秦分柳星張周分翼軫楚分角亢日壽星宮日天秤時日辰州日交氏房心日大火宮日天蝎時日卯州日豫尾箕日析木宮日人馬時日寅州日幽斗牛日星紀宮日磨羯時日丑州日楊女虛危日玄枵宮日寶瓶時日子州日青室

壁曰陬訾宮。曰雙魚時。曰亥州。曰并。奎婁曰降婁宮。
 曰白羊時。曰戌州。曰徐。胃昴畢曰大梁宮。曰金牛時。
 曰酉州。曰冀。觜參曰實沈宮。曰陰陽時。曰申州。曰益。
 井鬼曰鶉首宮。曰巨蟹時。曰未州。曰雍。柳星張曰鶉
 火宮。曰師子時。曰午州。曰三河。翼軫曰鶉尾宮。曰雙
 女時。曰巳州。曰荆。

唐天文志諸儒言星土者。或以州。或以國。虞夏秦漢
 郡國廢置不同。周興。王畿千里。衰僅得河南七縣。今

天下一統。而直以鶉火為周。疆場舛矣。七國初。地形
 則雌韓雄魏。魏西距高陵。盡河東。河內北固漳。鄴東
 分梁宋。至於汝南。韓據金鄭之地。南盡潁川。南陽西
 達號畧。距函谷。固宜陽。北連上地。皆綿亘數州。相錯
 如繡。考雲漢山河之象。多者或至十餘宿。其後魏徙
 大梁。則西河合於東井。并拔宜陽。而上黨入於輿鬼。
 戰國未滅時。星家之言屢効。今則同在畿甸之中。而
 或者猶據漢書地理志推之。是守其石遺術而不知

變通也

天河

漢天河也。織女星名在漢旁。三星歧然如隅也。蓋天有十二次。日月所比舍也。所為肆也。經星一晝一夜。左旋一周而有餘。而終日之間。日卯至酉。當更七次也。牽牛星名。服駕也。啓明。長庚。皆金星也。以其先日而出。故謂之啓明。後日而入。故謂之長庚。天畢。畢星也。狀如掩兔之畢。箕斗二星。以夏杪之間。見於南方。

天河圖



云北斗者。以其在箕之北也。北斗嘗見不隱。柄能轉移。指東則天下皆春。指南則天下皆夏。指西則天下皆秋。指北則天下皆冬。此天樞七曜之北斗。非斗宿也。

渾天圖



衆星列居環峙各有所屬在野象物在朝象官在人

天極

象事。其居中宮者曰天極。卽北極也。位在中央。四方所取正。故爲之中宮。其外布於四方各七星者曰二十八舍。朱子曰。帝座惟在紫微者。據北極七十二度。嘗見不隱之中。故有北辰之號。而嘗居其所。蓋天形運轉。晝夜不息。而此爲之樞。如輪之轂。如磴之臍。雖欲動而不得。非有意於不動也。若太微之在翼。天市之在尾。攝提之在亢。其南距赤道也。皆近。其北距天極也。皆遠。則固不容於不動矣。三天文志

紫微垣

愚按紫微中垣爲宮寢之所。朝夕在焉。通此可以按象推數。驗應乃占者。合上垣星宿部位。凡二十有八座。共計一百八十四星。

紫微園圍。皇極不移。衛分平樞。丞宰輔弼之異極。兼以后宮庶帝太之姝。六甲所以出入省察。而授農事。四輔所以出度授政。而佐萬機。天皇執萬神之圖象。勾陳爲太帝之正妃。內助集議之所。華蓋覆蔽之儀。傳舍賓客之繹館。閣道遊幸之旌旗。天柱懸法于象。

魏御女乃侍帝之御柱史主紀過史臣之職女史主
記禁婦人之微咨謀出納今尚書之象施恩賑濟也
陰德之爲大理主平刑而斷獄天牢主繩愆而禁非
大帝升降之階爲內階而主明堂天子休憇之所爲
寢舍而曰天牀天厨主盛饌之事內厨主飲食之嘗
天乙治十二將而司戰鬪太乙使十六神而知凶荒
豐儉須占八谷桑蚕必察扶筐斗象帝車出號令而
幹旋萬化輔爲丞相主燮理而佐斗平章三公佐萬

幾而宣德化三師爲模範而和陰陽總領百司今天
相集計六府者文昌策主兵馬僕御鈎爲服飾鸞輿
天理貴人之獄勢爲內侍刑餘天槍天子武備天楛
天子先驅太陽守爲大臣將相設武備主戒不虞
中垣北極紫微宮北極五星在其中大帝之座第二
珠第三之星庶子居第一號曰皇太子四爲后宫五
天樞左右四星是四輔天乙太乙當門路左樞右樞
夾南門兩面營衛一十五東蕃左樞連上宰少宰上

輔次少輔上衛少衛八上丞後門東邊大贊府西蕃
 右樞次少厨上弼少弼四相視上衛少厨七少丞以
 次却向前門數陰德門裏面黃聚尚書以次其位五
 女史柱史各壹戶御女四星五天柱大理兩黃陰德
 邊勾陳尾指北極顛勾陳六星六甲前天皇獨在勾
 陳裏五帝內座後門是華蓋并杠十六星杠作柄象
 華蓋形蓋上連連九箇星名曰傳舍如連丁垣外左
 右各六星右是內階左天厨階前八星各八穀厨下



天經
 三卷
 紫微垣
 三卷
 見上

五箇天棊宿天牀六星左樞在內厨二星右厨對文
昌斗上半月形稀疎分明六箇星文昌之下曰三師
天槍只向三公明天牢六星太尊邊太陽之守四勢
前一箇宰相太陽側更有三公相四偏杓下玄戈一
點圓天理四星斗裏暗輔星近着暗陽淡北斗之宿
七星明第一主帝爲樞星第二第三璇璣是第四名
權第五衡開陽搖光六七名紫宮之次是諸星

紫微垣十五星東藩八星西藩七星○北極五星在
紫微宮內其紐星天之樞也○四輔四星抱北極樞

星○天皇大帝一星在勾陳口中○勾陳六星在五
帝內座下○五帝內座五星在華蓋之下勾陳之上
○天柱五星在華蓋扛傍近東垣北隅○柱下史一
星在北極東○女史一星在柱史北○御女四星在
勾陳東北○尚書五星在女史東南維○大理二星
在宮內垣門之左近陰德○陰德二星在尚書之西
南○六甲六星在華蓋柄在傍蓋七星扛九星在帝
座上○天乙一星在閭闔門外右樞之南○太乙一
星在天乙南○傳舍九星在華蓋上○內階六星在
文昌之北○天厨六星在少彌東○天牀六星在閭
闔之前○內厨二星在北極垣外西南角○北斗七
星一至四爲魁五至七爲杓杓携龍角衡殷南斗魁
枕○參首斗爲帝車運于中央臨制四鄉分陰陽建
四時均五行移節度定諸紀皆繫于斗○輔一星輔
于開陽之旁○天理四星在斗魁中○相一星在北
斗第五星旁○太陽守一星在天相西○勢四星在

天經列
卷三
三
卷三

太陽守西北○三公三星在北斗柄西○三師三星在斗魁第一星西○文昌六星在北斗魁前○天牢六星在文昌斗魁之前○太尊一星在中台北○八穀八星在內階前○天棊五星在女床東北○天槍三星在北杓東○玄戈一星在北斗杓端

太微垣

按太微上垣為朝廷之所日臨之亦守一方眾星旋繞所應治亂安危關係於天下者匪小也觀者詳焉合一十四座計五十八星

太微天庭為衡主平其星于執法上次將相之職其間有東西左右端門之稱壅蔽帝庭而刺舉者為內



天經列
卷三
三
卷三

屏輔弼天子之政治者爲九卿。五諸侯內侍天子而不之國。五帝座各隨方色。而施其行。天子帝儲幸臣侍太子。而爲親愛從官侍側謁者。贊賓客。以辨域情。位爲守衛之司。亦元士尚書之象。三公。卽內庭之助。爲燮理輔弼之臣。宿衛之武官。爲郎將侍衛之武士。爲虎賁宿衛。虎賁設強毅太微之北。號嘗陳。

上垣天庭太微宮。昭昭列象布蒼穹。端門只是門之中。左右執法門西東。門左皂衣一謁者。以次郎是烏天公。三黑九卿公背旁。五黑諸侯卿後行。四箇門西主軒屏。五帝內座於中正。幸臣太子并從官。排列帝後從中定。郎位虎賁居左右。嘗陳郎將居其後。嘗陳七星不相誤。郎位陳東一十五。兩面星垣十星布。左右執法是其數。宮外明堂布政宮。三箇靈臺侯雲雨。少微四星西南隅。長垣雙雙微西居。北門西南接三台。與垣相對無兵災。

太微宮垣十星在翼軫之北。○帝座五星在垣內西藩中。○屏四星在五帝座南。近右執法。○幸臣一星

在帝座東北○太子一星在幸臣西帝座北○從官一星在太子西北○謁者一星在左執法之東北○三公三星在謁者東北○九卿三星在三公北○諸侯五星在九卿之西北○郎將一星在郎位東北○虎賁一星在垣外下台南上相之西北○嘗陳七星在郎位北○郎位十五星在帝座東北○明堂三星在垣外西南○靈臺三星在西垣外○少微四星在太微西垣外南北列○長垣四星在少微南西北列○三台六星兩兩而居

天市垣

按天市下垣為明堂之所歲臨之合一十四座計五十九星

天市為國都交易之市車肆為百貨貿易之肆帝座

天庭也神農之所居宦者近臣也君側之所侍市樓乃市府制令之司居肆主屠宰庖饌之事宗正宗族之官也以司宗室侯星輔弼之臣也以主伺侯宗星乃遠近之宗枝宗人錄親疎之享祀主度量買賣者為帛度偵金珠玉璣者為列肆斛主度量分銖斗為平量之事

下垣一宮名天市兩扇垣墻二十二當門六角黑市樓門左兩黃是車肆兩箇宗正四宗人宗星一雙亦

依次帛度兩星屠肆前。侯星還在帝座邊。帝座一星
 嘗光明。四箇微芒宦者星。以次兩星名列肆。斗斛帝
 前依其次。斗是五星斛是四。垣北九箇貫索星。索口
 橫着七公成。天紀恰似七公形。數着分明多兩星。紀
 北三星名女牀。此座還依織女旁。三垣之象無相侵。
 二十八宿隨其陰。水火木土并與金。以此列有五行

吟

天市垣二十二星在房心東北。○車肆二星在南門
 之內右旁。○市樓六星在天市門內東旁。○宗正二



星在帝座東南○宗人四星在宗正東○宗星二星
 在侯星東北○帛度二星在宗星東北○屠肆二星
 在帛度西北○列肆二星在解星西北○斗五星在
 臣者西南○斛四星在市樓北斗南○帝座一星在
 侯星西北○候一星在帝座東南○宦者四星在帝
 座西南○貫索九星在七公前○七公七星在招搖
 東橫貫索上○天紀九星在貫
 索東○女床三星在天紀北

二十八舍辰次分野

晉志云班固以十二次配十二野又魏陳
 卓更言郡國所入宿度最詳今附次之

角亢氏鄭兗州東郡入角一度東平任城山陰入角
 六度泰山入角十二度濟北陳留入亢五度濟陰入
 氏一度東平入底六度
 房心宋豫州潁川入房一度汝南入房二度沛郡入
 房四度梁國入房五度淮陽入心七度魯入心三度
 楚國入房四度

尾箕燕幽州梁州入箕十度上谷入尾一度右北平
 入尾七度西河河北郡地遼西東入尾十度涿郡入
 尾十六度渤海入箕一度樂浪入箕三度玄菟入箕
 六度廣陽入箕九度

斗牛女吳越揚州九江入斗一度廬江入斗六度豫
 章入斗十度丹陽入斗十六度會稽入牛一度臨淮
 入牛四度廣陵入牛八度泗水入女一度六安入女
 六度

虛危齊青州齊國入虛六度北海入虛九度濟南入
 危一度樂安入危四度登來入危九度平原入危十
 一度淄川入危十四度
 室壁衛弁州安定入室一度天水入室八度隴西入
 室四度酒泉入室十一度張掖入室十二度武都入
 壁一度金城入壁四度武威入壁六度燉煌入壁八
 度

奎婁胃魯徐州東海入奎一度琅琊入奎六度高密

入婁一度城陽入婁九度膠東入胃一度

昂畢趙興州魏郡入昂一度鉅鹿入昂三度嘗山入

昂五度廣平入昂七度中山入昂一度清河入昂九

度信都入畢三度趙郡入畢八度安平入畢四度河

間入畢十度真定入畢十三度

甯參魏益州廣漢入甯四度趙舊入甯三度蜀郡入

參一度犍爲入參三度牂牁入參五度巴郡入參八

度漢中入參九度益州入參七度

井鬼秦雍州雲中入井一度定襄入井入度鴈門入

井十六度代入井十一度太原入井二十九度上党

入與鬼二度

柳星張周三輔洪農入柳一度河南入星三度河內

入張九度

翼軫楚荆南陽入翼六度南郡入翼十度江夏入翼

十二度零陵入軫十一度桂陽入軫六度武陵入軫

十度長沙入軫十六度

角星

此宿主造化萬物。布君之威信。又左角主刑。右角主兵。度十二度。一十二分。其中為黃道。自軫十度外。末氏一度內。于辰為辰。于分為鄭。于野為交。賦壽星。鄭交角之與亢。自武牢之汴穎。東抵壽域。濱河濟。逾淮源。南及弋陽。五月在亢昏。中西十一月在軫旦。中東八月為太陽。躔次。

兩星南北正查看。中有平道上天田。總是黑星兩相連。別有一鳥名進賢。平道右畔獨淵然。最上三星周鼎形。角下天門左平星。雙雙橫於庫樓上。庫樓十星

俱曲明。樓中五柱十五星。三三相似如鼎形。其中四

星別名衡。南門樓外兩星橫。

平道二星。在兩角間。主道路。進賢一星。在平道西。主訪幽人。存賢士。天田二星。在右角北。主畿內封疆。天門二星。在左角南。平星北。主朝聘待賓客之所。平二星。在天門東南。庫樓北。主平獄訟。周鼎三星。在攝提西。國之神器。主流。下庫樓十星。在角南。其大六星。為庫。南四星。為樓。為兵車之府。一日天庫柱與衡。皆主陳兵。南門二星。在庫樓南。主守兵。

亢星

此星主天子內朝。總揖奏事。斷訟理獄。錄功。又主疾疫。度九度二十分。外三尺。為黃道。余

見角宿下

四星却似彎弓狀大角一星直上明折威七子亢下橫大角左右攝提星三三相相似如鼎形折威下左頓頑星兩箇斜安黃色精頑下二星號陽門色若頓頑直下存亢池六星角下明

大角一星在攝提間人君之象攝提六星夾輔大角大臣之象折威七星在亢南主斷軍獄考囚情察詐偽頓頑二星在折威東南主察囚情偽陽門二星在樓東北主邊塞險要矣

氏星

此宿主宮室如嬪度二十六度外四尺為黃道初氏一度外末尾三度內于辰為卯于分為宋于野為豫州賦氏房心宿大火宋豫隣齊魯分襄邑小黃之毫壽當歸德盡曹單宿之邳徐于六月在房心之昏中十月二月為旦中九月為太陽躔次

四星似斗側量米天乳氏上黑一星世人不識稱無名一箇招搖梗河上梗河橫列三星狀帝席三黑河之西亢池六星近攝提氏下衆星騎官出騎官之衆二十七三三相連十欠一陣車氏下騎官次騎官下三車騎位天輻兩星立陣旁將軍陣裏鎮威霜

天乳一星在氐北。主甘露。亢池六星在亢北。主水道。帝席三星在大角西北。天子宴樂之所。招搖一星在梗河北。主兵。胡夷之象。梗河三星在大角北。為戟劍之星。主誅伐。又主胡兵。陣車三星在氐南。革車之象。車騎三星在騎官南。主布列行陣。騎官二十七星在氐南。天子宿衛之士將軍一星在騎官東南。騎將也。天輻兩星在房西。主鸞輿。

房星

此宿主為明堂布政之官。又為天駟。主車駕。度五度六十分。中為黃道。餘見氐宿下。

四星直下主明堂。鍵閉一黃斜向上。鈞鈴兩箇近其旁。罰有三星直鍵上。兩咸夾罰似房狀。房西一星號

為日從官兩星日下出

鈞鈴二星在房東。天子之心腹喉舌。鍵閉一星在房東北。掌管鑰。司腹心喉舌。罰三星在二咸間。主受金贖罪。二咸各四星。在房星北。七政之道也。為帝側之屏。表障后宮。防姦私。日一星在房中道前。太陽之精。主明德。從官兩星在房西南。主天子之巫醫。

心星

此宿主為明堂。又為天王正位。度六度五十分。內二尺為黃道。餘見氐宿下。

三星中央色最深。下頭積卒共十二。三三相聚星下是。

積卒十二星在房心西南一日
衛士所以守衛明堂掃除不祥

尾星

此宿主后妃之府亦主君臣又主八風主水
度一十九度一十分內十二尺為黃道自初
尾三度外末斗四度內辰為寅于分為燕
于野為幽州賦尾箕析木幽燕是稱濱渤海
高麗暨三韓之所盡自北平之保定終為北
之所窮七月在建昏中西正月為旦中十月
為太陽
躔次

九星如鈎蒼龍尾下頭五黑號龜星尾上天江四橫
是尾東一箇名傳說傳說東畔一魚子尾西一室是

神宮所以列在后妃中

天江四星在尾北主太陰傳說一星在尾後河中
主王宮巫所祀魚一星在說東河中主陰雨龜五
星在尾南漢中主贊神明吉凶神官
一星在尾第二星旁天子解衣內室

箕星

此宿主為嬪御又主八風又主口舌又主蠻
夷度十一度四十分內六尺為黃道余見尾
下宿

四星形狀似簸箕箕下三星名木杵箕前一黑是糠
皮

天經 卷之三 斗星

杵星在箕南木官也春杵之用糠
一星在箕口前主簸揚給犬豕

斗星

此宿主天朝宰相又主荐賢良而授爵祿度
二十五度二十分內一尺為黃道初斗四度
外末女初度內于辰為丑二分為吳越於野
為揚州賦斗中星紀吳越楚揚負淮水南及
瓊崖之雷萬濱彭蠡東逾兩浙之蘇杭於八
月在牛昏中西二月在建旦中西十一月為
太陽
纏次

六星其狀似北斗魁上建星三相對天弁建上三三
九斗下圓安十四星雖然名驚貫索形天鷄建背雙

黑星天籥柄前八黃精狗國四方鷄下星天淵十星

驚東邊更有兩狗斗魁前農家丈人斗下眠天淵十

黃狗色玄

建六星在南斗北為謀事為天鼓為天馬南二星
為天庫中二星為天市上二星為旗鼓斗建之間
三先之道陰陽始終之門天弁九星在建星地市
官之長也主市利商賈之事天鷄二星在狗國北
主候時令以催耕狗國四星在斗魁東主三韓鮮
卑鳥桓獫狁之屬狗二星在斗魁前主守御丈人
一星在南斗西南主稼穡天籥八星在南斗初西
主開閉門戶天淵十星在驚東主灌溉驚十四星
在斗南
主水族

天經 卷之三 分野

牛星

此宿主道路閔梁南越犧牲度七度二十分外七尺為黃道餘見斗宿下

六星近在河崖頭頭上雖然有兩角腹下從來欠一脚牛下九黑是天田田下三三九坑連牛上直建三河鼓鼓上三星號織女左旗右旗各九星河鼓兩畔右邊明更有四黃名天桴河鼓直下如連珠羅堰三烏牛東居漸臺四星如日形輦道東足連五丁輦道漸臺在何許欲得見時近織女

織女三星在河鼓北主瓜果絲綿珍寶足嘗何扶筐漸臺四星在織女東足臨水之臺主晷漏律呂之事輦道五星在織女東天子嬉遊之所河鼓三星在天桴北主軍鼓中央人星大將軍也南星為左將軍北星為右將軍二旗各九星列河鼓左右皆天之旗鼓主設備知謀天桴四星在河鼓南右旋端南北列主漏刻羅堰三星在牛宿東主堤塘水源灌溉田園天田九星在牛東南天子幾內之田九坎九星在天田南主水旱溝渠水泉

女星

此宿主布帛裁制又主嫁娶度十一度三十五分初女二度外未危十三度內於辰為子於分為齊於野為青州賦湏女虛危玄枵齊青循岱岳北濟滄濱棣之博德涉平陰東萊

夷淄維之青登於九月在虛昏中西三月在牛旦中東十二月為太陽纏次

四星如箕主嫁娶十二諸國在下陳先從越國向東論東西兩周次二秦雍州南下雙馬門代國向西一晉伸韓魏各一晉北輪楚之一國魏西屯楚城南畔獨燕軍燕西一郡是齊鄰齊北兩邑平原君欲知鄭在越下存十六黃星細區分五箇離珠女上星敗瓜之上瓠瓜生兩箇各五瓠瓜明天津九箇彈弓形兩星入牛河中橫四箇奚仲天津上七箇仲側扶筐星

扶筐七黑星在東籬之外與天厨相對主蚕桑奚仲四星在天津西北天子之車正天津九星在女虛之北橫河中天漢之河梁以度百神通四方瓠瓜五星在敗瓜東北敗瓜五星在離珠北主掌瓜果離珠五星在女西北后宮之藏府夫人珮環之飾女子之星也十二國共十六星在牛女之南近九坎分出而居列國象也

虛星

此宿為廟堂冢宰主理天下覆萬物主風雲又主死喪哭泣之事亦為祭祀祈禱度八度九十五分七十五秒外六尺為黃道餘見女宿下

上下各一如連珠命祿危非虛上呈虛危之下哭泣

星哭泣雙雙下壘城。天壘團圓十三星。敗曰四星城
下橫。曰西三箇離瑜明。

司命二星在虛危北。主死生。司祿星在司命北。主
爵祿。司危二星在司祿北。主喪亡。司非二星在司
危北。主讐過。哭一星在虛南。主死喪號泣。泣二星
在哭東。危南。主墳廬悲泣。天壘十三星在哭泣星
南。主北夷。匈奴鬼方之屬。瑋瑜三星在十二國東。
主婦人服飾。敗曰四星在虛壁之南。主司年災。

危星

此宿為天府。主宗廟祭祀之事。又為禮堂。主
死喪哭泣。度十五度四十分。外七尺為黃道
餘見女
宿下。

三星不直舊先知。危上五黑號人星。人畔三四杵。曰
形人上七烏車府星。府上天鈞九黃晶。鈞下五鴉字
造父危下四星號墳墓。墓下四星斜虛梁。十箇天錢
梁下橫。墓旁兩星名蓋屋。身着皂衣危下宿。

天鈞九星。在造父西。主輿服法式。造父五星。在傳
舍南。河中御馬之官。一曰伯樂。車府七星。在天津
東南。首抵司非。尾指天鈞。主官車之府。賓客之館。
人星五星。在車府西南。主萬民杵。三星在人星東。
主給軍糧。曰四星在人星東南。主春白之具。墳墓
四星在危下。如墓形。主山陵死筮之事。虛梁四星
在危南。園陵寢廟之所。天錢十星。在虛梁之南。錢
帛所聚。蓋屋二星。在危南。主天子所居。宮室之官。

室星

此宿主官室功土。度十七度。一十分。外十三尺。為黃道。初危十三度外。未奎二度內。於辰為亥。於分道。衛於野。為并州。賦管室東壁之。疆。嶽。皆衛并之野。自太行。懷湘。東抵大名之。鄆。濮。起白馬。衛澶。北負河內之障。鄴。十月在危昏中。東正月為太陽。躔次。

兩星上有離宮出。遶室三雙有六星。下頭六箇雷電形。壘壁陣次十二星。十二兩頭大似井。陣下分布羽林軍四十五。率三為群軍。西四下多難論。仔細歷歷看區分。三粒黃金名鐵鉞。一顆真珠北落門。門東八

魁九箇子。門西一宿。天綱是電旁。兩黑土。公吏。騰蛇。室上二十二

騰蛇二十二星。若蟠蛇之形。在室北河中。主水族之類。雷電六星。在管室西南。主興雷電。動蟄虫。土公吏二星。在空南。主設備司道。壘壁陣十二星。橫列室壁之南。天軍之垣壘。羽林軍四十五星。散在壘陣之南。守衛天子之宮。北落一星。在羽林軍西南。天軍之門。主候非常。天綱一星。在北落西南。主武帳宮舍。天子弋獵之所。鉄鉞三星。在羽林西。主行誅罰。入魁九星。在北落東南。張禽獸之官。

壁星

此宿主文章。圖書土工。度八度。六十分。外十四尺。為黃道。餘見室宿下。

兩星下頭是霹靂。霹靂五星橫着行。雲雨之次日四
方壁上天廡十圓黃。鐵鑽五星。羽林旁。土工兩黑壁
下藏。

霹靂五星在土工西南。王奔擊。雲雨兩星在霹靂
東南。土工之星二。在壁南。土工之官。天廡十星
狀如天錢。在壁東北。天馬之廡也。主傳舍。鐵鑽五
星在羽林。天倉西南。斬艾之具。主刈芻餉牛馬。

奎星

此宿主溝瀆兵戎。度十六度六十分。外十三
尺為黃道。初奎三度外。末胃四度內。於辰為
戌。於分為魯。於野為徐州。賦奎萎。降萎分野。
魯徐。循岱岳。衆山之陽。瀆於淮泗。今滄沂海。

密之郡。曆國皆屬於十一月在
壁昏中東。二月為太陽。躔次。

腰細頭尖似破鞋。一十六星。遶鞋生外屏。七鳥奎下
橫屏下七星。天溷明。司空左畔。土之精。奎上一宿軍
南門河中六箇閣道形。附路一星。道旁明五箇吐花
王良星。王良近上一策明。

策一星在王良北。主執天子之御。閣道六星在王
良東北。天子游別宮之路。附路一星在閣道旁。備
閣道之敗缺。王良五星在奎北。河中四星為天駟。
一星曰王良。主天馬。又為天橋。主禦風雨水道。軍
南門一星在奎東。天將軍四南。主軍出入。外屏七
星在天溷東北。以蔽溷也。八溷七星在屏南。秦養

之處土司空一星在天溷南主水土之事

婁星

此宿主天獄苑牧及興兵聚衆度十一度六十分九尺爲黃道餘見奎宿下

三星不勻近一頭左更右更烏夾婁天倉六箇婁下

頭天庾三星倉東脚婁上十一將軍侯

兩更左更五星在婁東主山林澤藪之事右更五星在婁西主牧養牛馬之官天倉六星在婁南主司倉庫天庾三星在天倉東南亦爲積粟之屋場圖之所天將軍十一星在婁北中央大星天之犬將外十星
吏士將兵

胃星

此宿主倉廩五穀度十五度六十分外九尺爲黃道初胃四度外未畢七度內於辰爲酉於分爲趙於野爲冀州賦星胃昂畢大梁趙冀自刑磁祈趙定深維恩冀之真定當漳古魏郡鴈門雲中之北紀于十二月在婁昏中東三月爲大陽躔次

三星鼎足河之次天廩胃下斜四星天困十三如乙

形河中八星名大陵陵北九箇天船星陵中積尸一

箇星積水船中一黑精

天廩四星在胃昂南主蓄黍稷以供享祀天困十三星在胃南主御糧百庫之藏大陵八星在胃北

主死喪積尸一星在大陵中主死喪天船九星在大陵北河中主濟渡又主水旱積水一星在天船中主候水災

昴星

此宿主胡王喪獄度十一度三十分外五尺為黃道餘見胃宿下

七星一聚實不少阿西月東各一星阿下五黃天陰各陰下六鳥芻藁形管南十六天苑形河中六星各卷舌舌中黑點天諛星礪石舌旁斜四下

昴七星天之耳也主西方又主獄事主口舌奏對又為旄頭又為白衣聚又曰胡聚胡星也卷舌六

星在昴北河中主樞機知候諛天諛一星在卷舌中天阿一星在胃東昴西北主察山林妖變月一星在昴東天街西主大陰女主臣下之象天陰五星在昴柄西主從天子七獵之臣芻藁六星在天苑西主積草供牛馬之食天苑十六星如圍狀在昴畢南天子養禽獸之苑礪石四星在卷舌東五車西主磨礪鋒刃

畢星

此宿主七獵邊兵度十七度左角為黃道餘見胃宿下

恰似了又八星出附耳畢股一星光天街兩星畢背旁天節耳下八鳥幢畢上橫列六諸王王下四皂天

高星節下團圓九州城畢口斜對五車口車有三柱
任縱橫車中五箇天潢精潢畔咸池三黑星天關一
星車脚邊參旗九箇參車間旗下直建九旂連旂下
十三鳥天園九旂天園參脚邊

附耳一星附畢大星之下次天高東南隅主伺鬼
方之動靜察奸謀以備外患以爲胡夷之候五車
五星在畢東北爲五帝車舍主天子五兵又主五
穀三柱九星在五車中一柱三泉車之柱也天潢
五星在五車中天池也主渡神人通四方亦主關
梁濟渡之處咸池三星在五車中天潢南曰天淵
水虫之園也天街一星在昴畢間街南爲華夏街
北爲夷狄街北昴以西也街南畢以東也天關一

星在五車南主閉塞天節八星在附耳南使臣之
所持也諸王六星在五車南天漢中主藩屏王室
天高四星在諸王南參旗西北齋戒之門九州珠
城九星在天節南主曉方俗之語參旗九星在參
西畢東天旗指揮遠近而從命者也九旂九星在
玉井西南天子之兵旗也所以導軍進退天園十
三星起天苑之南屈曲
而橫列養花果之處

觜星

此宿主行軍葆菰度初度五度內入尺爲黃
道初畢七度外末井九度內於辰爲申於分
爲晉於野爲益州賦觜鐫參伐實沈晉益自
龍間以東而太行以西當雲中之南而維色
之北正月在參昏中西八月
爲旦中四月爲太陽躔次

天經攷 三卷 三十三 卷三

三星相近作參。參上座旗直指天尊。甲之位九相連。司恠曲立座旗邊。四鳥太近井鉞前。

座旗九星在司恠西北。主別尊卑君臣之位。司恠四星在井鉞前。主候天地日月星辰。草木禽獸魚類。虫之類。

參星

此宿主殺伐。度十一度一十分。內三尺為黃道。餘見參宿下。

總是七星。觜相侵兩肩。雙足三為心。伐有三星。足裏深玉井四星。右足陰屏星兩扇。井南襟軍井四星。屏

上吟左足下四天。廁臨廁下一物天屎沉。

伐星三。居參腹為斬艾之事。天之都尉也。主胡鮮卑戎狄之國。玉井四星在參右足下。主水泉。給厨屏二星在土井南。為屏以障廁。主疾病。軍井四星在玉井東南。軍中之井也。主給軍用。又主水旱。天廁四星在屏星東。溷也。主疾病。天屎一星在廁南。主司吉凶。

井星

此宿主水府。度三十三度三十分。中間為黃道。初井九度外。未柳四度內。于辰為未。于分為秦于野。為雍州。賦。鶉首秦雍。井之與鬼。東井當雒之西北。盡陝西。西夏之邦。與鬼當雒之西南。盡巴蜀。漢中之地。二月在弧昏中西。五月為太陽躔次。

天經攷 三卷 分野 三十四 見此

八星橫列河中靜一星名鉞井邊安兩河各三南北
正天鑄三星井上頭鑄上橫列五諸侯侯上北河西
積水欲覓積薪東畔是鉞下四星名水府水位東畔
四星序四瀆橫列南河裏南河下頭是軍市軍市圍
圓十三星中有一箇野鷄精孫子丈人市下列各立
兩星從東說闕丘二星南河東丘下一狼光蓬茸左
畔九箇彎弧弓一矢橫射頑狼胸有箇老人南極中
春秋出入壽無窮

鉞一星附井足前第一星邊去二寸主司滯慾而
行斬斷兩河各三星分夾東井天之開門主開梁
南河日南界北河日北界南界以限蠻夷北界以
限戎狄天鑄三星在井北五諸侯南主盛饘粥以
給貧賤五諸侯五星在東井東北近北河主刺舉
戒不虞理陰陽察得失主扶顛持危發奸擒伏積
水一星在北河西主聚美水以給天子酒官積薪
一星在北河東主聚薪以給享祀供庖厨水府四
星在東井西南鉞星下主說隄防以備水水位四
星在井東南主水衡以洩滯溢四瀆四星在東井
南軒轅之西江淮河濟之精軍市十三星如錢狀
在參東南天軍貿易之市野鷄一星在軍市中主
知恠變伏姦虞又日野鷄大將主屯營號令警急
設備丈人二星在軍市南國家之老臣子二星在
丈人東孫二星在子星東所以侍丈人而扶持之
闕丘二星在南河東天子之象魏天狼一星在南

河東南主殺掠。一曰夷將。主南夷。主盜賊。弧矢九星在狼東南。天子之弧矢也。以備盜賊。狼為奸寇。弧司其非。故嘗注矢以何。老人一星在弧矢西南。日南極老人。主壽考。秋分之旦。見於丙。春分之夜。沒於丁。

鬼星

此宿主祀祠。死喪。誅斬。度二度。二十分內四尺為黃道。餘見井宿下。

四星册方似木櫃。中央白者積尸氣。鬼上四星是燿位。天狗七星。鬼下是外厨。六間。柳星次。天社六星。弧東倚。社東一星。名天紀。

燿四星在軒轅尾西。亦曰熒燿。主烽火。備警急。天狗七星在狼北。鬼宿西南。橫河中。以守賊也。天社六星在弧東南。社神也。外厨六星在柳南。祭祀宴享之厨。天紀一星在外厨南。主知禽獸齒歲。凡此數者皆所主也。

柳星

此宿主庖厨宴祭。度十三度三十分內五尺為黃道。初柳四度外。末張十五度內。於辰為午。於分為周。於野為三。河賦。柳星張。鶉火之次。周三。河為地之心。自武牢之右。而抵函谷之左。負北河之南。而當灑水之陰。三月在星昏中。西九月為旦。中六月為太陽。躔次。

八星。曲頭似垂柳。近上三星。號為酒。享宴大舖五星。

守

酒旗三星在軒轅右角南。
酒官之旗。主享宴酒食。

星星

此宿主后妃御女賢士。及文綉羽衣。度六
度二十分。內十五尺為黃道餘。見柳宿下。

七星如鈞柳下生。星上十七。軒轅形。軒轅東頭四角

平。平下三箇。名天相。相下稷星橫五靈

軒轅十七星在七星北。黃帝之神。黃龍之體。主雷
雨。又主后官后妃之舍。內平四星。在中台之南。軒
轅之東北。執法平罪之官。天相三星。在酒旗南。大
臣象主爵位。及五色作服之事。天稷五星在七星

南。農正也。
主百穀。

張星

此宿太廟明堂御史之位。又主珍寶衣物。天
厨賞賚飲食。度十七度。二十五分。內十八尺
為黃道餘。
見柳宿下。

六星似軫在星旁。張下只是有天廟十四之星。冊四
方。長垣少微。雖向上星數。歌在太微旁。太尊一星。直
上黃。

天廟十四星在張南。天子之祖廟太尊一星。一曰
天尊。在中台北。貴戚也。

翼星

此宿主天子樂府及夷狄遠客負海之賔度十八度七十五分內十六尺為黃道初張十五度外未軫十度內於辰為巳於分為楚於野為荊州賦翼軫鶉尾楚之與荆自襄房南蓋鬱林之夷貊濱彭蠡西抵白帝之夷陵四月為昏中十一月在軫旦中西七月為太陽躔次

二十二星大難識上五下五橫着行中心六箇却似張更有六星在何處三三相連張畔附必若不能分處所更請向前看野次五箇黑星翼下頭欲知名字

是東甌

東甌五星在翼南主東越穿南越裳諸國變夷之星

軫星

此宿主車騎風雨度十七度三十分內十三尺為黃道餘見翼宿下

四星似張翼相近中央一箇長沙子左轄右轄附兩星軍門兩黃近翼是門西四箇土司空門東七烏青丘子青丘之下名羸府羸府之星三十二已上便是太微宮黃道向上看取是

長沙一星在軫中。二轄附於軫旁。左轄爲同姓。右轄爲異姓。軍門二星在青丘西。天子六軍之門。主營候。土司空四星在軍門南。主土功。主九土地界。正疆畛。辨風土。均貢職。來遠人。青丘七星在軫東南。主東方三韓之國。器府三十二星在軫南。樂器之府也。主音律。

同名八座

兩三公星。一在紫微垣開陽之下。一在太微垣左執法之上。皆三星。

兩司空土星。一在奎宿之下。只一星。一在軫宿。共四星。

兩太子星。一在紫微垣。一在太微垣。皆一星。

兩從官星。一在太微垣。只一星。一在房宿。二星。

兩天田星。一在角宿。二星。一在牛宿。九星。

兩積水星。一在天船中。一在井宿。皆一星。

兩御女星。一在紫微垣。四星。一在軒轅下。一星。

兩積尸星。一在鬼宿下。一在大陵中。皆一星。

星紀

紫微垣三十八座。計一百八十四星。

天經星圖
卷之三
星圖
觀社

太微垣十四座計五十八星

天市垣十四座計五十九星

列舍并附宮三十五座計一百八十二星

中外宮一百八十二座計九百八十一星

以上共二百八十三座計一千四百六十星外微

星壹萬一千五百二十一

星宿四時晝夜運轉無定形而有定位攷諸圖象不

同茲據一說以備便覽其三垣可定南北而二十八

宿則反觀逆布勿泥

方位而視之可也

天文經星圖

二十八宿分布周

天天無體以二十

八宿為體謂之經

星分之有三百六

十五度四分度之一




天文經星圖
卷之三
星圖
觀社

角宿二星十三度為天門其內天庭黃道經其中七曜之所行左為天田主刑右為將主兵月暈左角主兵左將軍憂日暈右角亦主兵右將軍憂填星犯左角大戰太白犯左角則不可戰




亢宿四星九度半天子內朝也月暈亢多雨外有兵革之事犯距星軍將死歲星凌犯有小兵熒惑入主兵太白入主邊兵起




天經攷
卷之三
星圖
四十一
見上

氏宿四星十六度四度
 二十分宋 王者之宿
 之分野 宮也月暈大將憂月
 犯兵起太白入氏主
 兵疫辰星守氏主兵




房宿四星五度為明
 堂天子布政之宮其
 四星四輔下一星上
 將次星次將第三星
 次相上星上相中間
 為天門黃道之所經
 日暈兵月暈天風歲
 星太白守犯將相憂




天經攷 三卷 星圖 四十一 見上


心宿三星五度天王
 之正位其中星曰明
 堂為大辰主天下賞
 罰熒惑太白凌犯戰
 不勝填星守光明赤
 黃主慶賜之事




尾宿九星十七度八度
 五十三分在后妃之
 燕之分野 府太陰凌犯陰國將
 軍死日暈陰國弱歲
 星守犯主旱太白犯
 尾宿人民不安



箕宿四星十度後宮
 妃后之府也月從箕
 星多風雨又主客蠻
 夷胡貊故蠻胡將動
 必先占此日蝕主疾
 風雨飛石折木月暈
 西北兵不勝月蝕主
 饑而車騎滿野月并
 歲星犯守主穀粟貴



北方七宿九十七度
 半二十五分
 斗宿六星二十三度
 九十二分
 吳之分野丞相太宰之
 位亦主兵一日天機南
 二星天接庫也天梁也
 北二星天府庭也月暈
 大將刑月凌犯占風雨
 之變太白辰星犯守有
 兵填星犯守臣下不軌



天經攷

三卷 星圖


四十四

見上

牛宿六星七度天之關
 梁一日天鼓又上一星
 主道路次星主關梁次
 三星主南粵動搖變色
 則占之日暈陰國主死
 日月蝕兵起月凌犯大
 白填星居宿度三十日
 以上天下和平四夷來
 服太白入主有兵革事



女宿四星十一度六
 六十三分在
 齊之分野主婦之
 卑者太白犯女星布
 帛貴亦主有兵



天經攷

三卷

星圖

四十五

見上


天系列

三

四

五

虛宿二星十度二十
五分半主北方城邑
廟堂日暈齊地主兵
月暈主兵日月蝕軍
旅饑歲星入齊地饑



危宿三星一十八度
十五度六十九
分衛之分野



天系列


三

星圖


四

五

室宿二星一十七度為軍
 旅糧之府主二事一星為
 官一星為三軍之廩故置
 羽林之衛無芒角不動天
 下安離宮六星在側日蝕
 衛地主有憂月蝕民乏食
 月暈蠻夷來熒惑逆行凌
 犯臣下有謀亦主兵起填
 星犯主關梁不通斧鉞灾



壁宿二星九度主文
 章日暈風雨主大水



天經
 星圖
 四六
 卷二

西方七宿八十二度半少

奎宿十六星十七度

四度四十分 天之武

曾之分野 天之日封

屏 一日天象 又日封

豕 所以禁暴橫也 又


主溝瀆 歲星守之 北

狄懷服 熒惑填星入

分野 凶



婁宿三星十三度大
 為天獄 月暈所守犯
 有兵 在外不戰 日蝕
 魯地凶 歲星守之 天
 下安 熒惑守犯 兵起



胃宿三星十四度大六
 三十一分天之藏庫主
 趙之分野食廩五穀府也一日主
 誅捕殺日暈年穀不熟
 月蝕將軍憂月犯之趙
 地兵歲星犯之五穀不
 實勞惑守之旱饑填星
 留舍三月客軍敗太白
 犯之兵起辰星犯之吉




昴宿七星十一度天耳也
 主西方畢昴間為天街黃
 道之所經七星皆黃兵大
 起星動若跳躍主胡兵起
 日暈陰國胡主死日蝕臣
 下憂月犯將軍死胡不安
 歲星乘昴出北陰國有憂
 胡王死熒惑守犯胡人病
 疫填星守犯國安太白星
 守犯主趙地旱辰星主疫




畢宿八星十六度十度
 四在六分 其星太白
 天高主有邊主日月
 暈蝕五星守犯主陰
 國有憂胡王死也



觜宿三星一度為軍
 之候行軍之府藏也
 主師旅收斂萬物日
 暈陰國弱夷狄多疾
 疫日蝕邊兵憂月犯
 小戰歲星熒惑填厄
 辰星守犯魏地有兵




參宿十星九度少一
 日參伐一日鉄鉞主
 斬刈所以斬伐萬物
 助陰者也日暈鮮卑
 死又曰主邊將憂月
 蝕兵起晉地熒惑犯
 之主兵火填星太白
 辰星犯之皆主有兵




南方七宿一百一
 十度大


井宿八星三十度一十度五十五分素之分野
 天之南門黃道之所經天之亭候
 主水衡法令之所取平者也王者
 用法平則明而端列鉞一星附井
 之前主伺淫奢不欲其明明與井
 星齊鉞斧用日暈主大風雨日蝕
 秦地凶月蝕年穀不登月犯之斧
 鉞用歲星太白犯守主秦地有兵
 辰星入井在外星進主兵星退守
 井若角動色赤主兵黑主水黃間
 之主有喜五星犯井鉞悉為兵災



鬼宿五星二度大天目也
 主視明察好謀東北星主
 積布帛西南星主積金玉
 隨變占之中央為積尸一
 曰鉄鎖主誅斬鬼星明大
 五穀不成不明則民流鑽
 散飲其忽忽不明明則兵
 起日蝕月暈主秦地有兵
 粟貴人民憂填星熒惑犯
 之鑽用太白辰星守犯主
 有兵起犯積尸主貴臣憂




柳宿八星十四度少
 七度五十六天之厨
 分周之分野
 宰又主雲雨日暈主
 有兵月暈主周地不
 安填星守犯周地旱
 太白辰星守犯主兵




天經 卷之三 五十三

星宿七星七度一名
 天都主兵急盜賊星
 明王道昌日暈周地
 憂月蝕其地饑月犯
 守兵在外戰主民饑
 歲星守犯主盜賊起




張宿六星十八度
 度七十八分
 楚之分野
 主珍寶
 宗廟天厨及賞賚之
 事日暈主將相憂歲
 星入内主外兵起熒
 惑填星太白守犯主
 有兵起辰星犯主水




天經 卷之三 五十三 星圖

共宿二十二星十九
 度少天之樂府又主
 夷狄遠客兵海之賓
 星明大則禮樂興四
 夷來動則夷狄使來
 離徙則天下舉兵月
 暈主士卒逃遊熒惑
 太白辰星守土兵起



軫宿四星十八度半
 十二度十二
 分鄭之分野主車騎
 凡軍出皆占于軫日
 蝕楚地災日暈楚地
 兵熒惑填星太白辰
 星犯守主楚地兵起




天經文
 三
 星圖
 五十四
 見注

天經攷

卷之三

三

三



天經攷經國雄略卷之三終

